

六年知州林希元重建制爲後堂川堂大堂  
堂左爲判官廳後爲庫藏堂左爲儀仗亭爲  
架閣庫爲耳房又右爲吏目廨堂前爲皂隸  
亭堂東西序爲六房分左右階階下植松樹  
前爲儀門門外左爲土地祠爲寅賓館右爲  
州獄正中爲譙樓東爲申明亭西爲旌善亭  
外爲大門正街爲照壁萬曆三十七年知州  
阮以臨增建後樓今毀以監軍道改爲州堂  
崇禎十六年知州許啟洪修建後衙於道後

國朝康熙二十五年知州馬世祿重建大堂三

十二年知州程鼎建復大門州庫重修後衙

遷牢獄於大門外右四十七年知州李淑沆

修後堂五十年知州金章修川堂

守道分司在州治西南正統五年建今廢

巡道分司在州治東南永樂十年知州蔡惟

溥建萬曆三十六年同知曾遇改爲監軍道

今改爲州堂

督糧廳

在州治東今毀康熙四十四年  
州判傅祖說遷建南閣坊

巡捕衙

在州治西今毀遷建慶遠坊

寅賓館

在州儀門外東今廢

土地祠

在州儀門東

巡檢司

如昔司

在州治西南一百七十里如昔都那蘇村據十萬大山勢甚險阻防守交趾要害洪武五年同知郭雋

建今遷西江大直墟

管界司

在州西一百八十里永樂鄉白花山下防守廣西兼界要害之地洪武五年

年同知郭雋建今遷那落村

沿海司

在州南十里中和城東二坊兼界南遙望龍門守其要害洪武五年同知

郭舊建今遷小董墟

長墩司在州西三十里鳳凰江口東西二江合流處守其要害洪武十年知縣葉

宋憲建後遷舊關今遷大字墟

常平倉在州治左康熙二十九年知

州汪源澤建貯捐監穀石

天涯驛

在州城南濠壩街渡頭永樂十四年

參政賈瑜建後廢改爲天涯亭

河泊遞運所

在州城東江岸正統五年建今廢

靈山縣公署

縣治舊在峯子嶺下宋治平間遷石六峯之

東明洪武三年重建萬曆十六年徙於儒學

舊址康熙六年知縣多弘安重修後衙川堂  
大堂左有藏庫右有贊政廳東縣丞衙今奉  
裁治西有典史衙羈候所建復兩廊房儀門  
鼓樓卽爲大門左有旌善亭土地祠右有寅  
賓館俱因兵燹燬廢官衙解舍悉成榛莽知  
縣多弘安林長存相繼建復

永豐倉

在縣治西今裁

西鄉司

在縣治西二百里上寧鄉

林墟司

在縣治南一百里武利墟

太平驛今裁

靈山所在縣治後今裁

牌坊

廉州府

通天四牌樓

在府治東門內東題歷代名官西題歷代鄉賢南題歷代科甲

北題歷代孝義今廢

恩榮石坊

在通天樓西爲進士包義民子舉人包廣包廉立今廢

興賢里石坊

在府治東關帝廟左爲舉人耿寬立

登雲坊

在府治東門外爲解元黃誠立今廢

進士第

在府治南爲進士鍾振立

諫垣坊

在府治南爲進士給事中林榮立今廢

貞節坊

在縣前爲節婦王氏立今廢

貞節坊

在北闢康熙四十三年爲節婦范氏立

欽州

以下各坊俱毀

寧越古郡坊

在州前知州林希元建天啟七年知洲李五美重修

平章坊

在十字街爲唐平章姜公輔建

諫議坊

在州前大街爲唐諫議大夫甯原悌建

科第坊

當代科第悉登名其上在州治東門外大街凡

叢桂坊

在州城內大街爲明代歷科舉人建

登雲坊

在東門內爲舉人黃受建

折桂坊

在城內爲舉人蕭通建

崕嶧坊

在城內對陽坊爲舉人楊冠建

貞節坊

在城內大街口巡按御史汪信臣奉旨爲李時芳妻貞節倪氏建天啟七年

年知州李五美重修

鴈來池坊

在城外崇德坊韓王府爲舉人黃環建

騰蛟起鳳二坊

在儒學前東西

靈境勝石坊

在天妃廟前大石旁天啟七年知州李五美建

嶺海澄清坊

在渡頭東西兩岸萬曆二十二年知州董廷欽建楊爲禎重修

元嶽凌雲坊

在元帝觀前知州李五美建後廢守備劉維翰建復

青雲路坊

在儒學門外青雲路街口後廢康熙四十八年守備劉維翰建復

靈山縣

從前坊表圯廢失考

貞烈坊

在城外北闖康熙四十九年爲何廣珍妻烈婦蒙氏立

亭榭

合浦縣

海角亭

舊在城西南半里明成化間僉事林錦移近城西嘉靖間翁溥移於府治西南隆慶間僉事張士純遷廉江西天妃廟前康熙辛卯合浦知縣連圻拆而欲新

之逡巡四載以被諭落職亭竟廢康熙戊戌郡守施世驥委合浦教諭李錫移建復

康熙辛丑知府徐成棟捐俸于亭陰左建

文昌祠右建藥聖祠期望供

聖諭于正殿宣講亭陽藥建大門三間鑄太上感應篇于屏間以誌觸目警心之意洵海

天勝境也

瑞芝亭

在舊學泮池旁明正德六年產紫芝一卽以地建亭今廢

愛民亭

在城西門橋側爲知府沈綸建今圯

惠民亭

在石康舊城爲知府張岳立今圯

憩亭

在城西門外知府陳健建今圯

仰止亭

在西江張公祠內僉事紀國讚建今圯

還珠亭

舊在府治東明成化間副使林錦遷于南門外今圯